

名

山

藏

名山藏卷之

晉江何喬遠 譔

輿地記

北京

北京古幽薊之地左環滄海右擁太行北枕居庸南襟河濟遼金元夷狄也稱帝建都不足當形勝成祖分藩於此既卽位以爲京師曰北京城則京城皇城壇廟則天地壇朝日壇夕月壇山川壇社稷壇太廟文廟帝王廟文廟之中有周宣王石鼓山陵則長陵獻陵景陵裕陵茂陵泰陵康陵永陵昭陵苑囿則西

苑南海子御馬苑建置則文武百官之公署京城門
凡九南曰正陽南之左曰崇文右曰宣武北之東曰
安定西曰得勝東之北曰東直南曰朝陽西之北曰
西直南曰阜成

順天府禹貢冀州之域天文箕尾分野星曰析木爾
雅析木爲之津釋者爲天漢之津梁燕分星也高陽
氏幽陵陶唐幽都虞幽州夏殷冀州地周幽州武王
封堯後於薊封召公奭於燕秦上谷漁陽二郡漢初
爲燕又分置涿郡元狩中爲幽州東漢幽州治冀唐
幽州宋燕山府皇朝洪武初爲北平府永樂初改爲

順天府山口天壽山諸陵在焉曰西山曰香山曰玉泉山西湖瀦其下玉泉之水流經大內出都城南注人通河曰平坡山岡曰臥龍英宗臨幸焉水曰海子流入于都城河曰盧溝本桑乾河又名漯河俗呼渾河亦曰小黃河金井之泉成祖蹕而甘之臺曰金臺燕所以延士也北一百二十里曰居庸關秦始皇築長城居息庸徒於此淮南子天下有九塞居庸居一焉龍虎臺在居庸關南凡領州四縣二十三附郭曰大興宛平

大興縣金名凡編里三十六

宛平縣遼名釋名曰燕宛也宛宛然以平之義凡編里十五

西南七十里曰良鄉縣漢名凡編里二十五

西南百二十里曰固安縣隋名凡編里三十八

南百五十里曰永清縣唐名取邊境永清之義凡編里二十一

南百五十里曰東安縣元名有劉琨之墓凡編里四十四

東南百二十里曰香河縣遼名凡編里十

東四十五里曰通州金名義取通漕白河自密雲縣

南合于潮河至于州入于直沽是名白遂之河亦曰潞河張家灣是白河下流元有張萬戶居此以名灣凡編里三十二領縣四

州東七十里曰三河縣唐名七渡鮑丘臨洶三河逕焉兔兒之山是產花斑之石可作宮甃凡編里三十五

州南五十里曰武清縣唐名漢雍奴水經曰藪澤名也四面有水曰雍不流曰奴水曰直沽入于海凡編里二十八

州南四十五里曰滹縣在滹河之南漢泉州縣地畫

晉郎墳是爲張敞之墓瞭鷹之臺元主所駐蹕也凡編里十五

州東南百二十里曰寶坻縣金名以境內產鹽漢泉州縣地是生銀魚曰麪條之魚凡編里三十二

北九十里曰昌平州後魏名舊爲縣正德九年陞爲州軍都山後漢盧植所教授也唐劉蕡亦居此邑鎮曰黃花口曰白楊元郭守敬堰水五十餘里以入潞通漕曰白浮堰清河源自縣西南一畝泉逕燕丹村東南合于榆河一畝泉分爲二流入宛平合高粱河曰官河經雙塔店入于榆河曰雙塔河榆河一名溫

汾河會于白河黃花鎮川河源自塞外流入黃花鎮口逕昌平至懷柔入于白河高梁河出自并州黃河之別源東逕沙澗又東南逕高梁店流入都城海子又有濕餘之河出軍都山折入于潞河有朱能之墓凡編里二十七領縣三

東北六十里曰順義縣秦上谷郡漢魏晉皆范陽境凡編里二十七

東北百二十里曰密雲縣後魏名唐曰檀州以古有白檀樹東北五十里曰共城是舜流共工之地霧靈之山祥光如霧歲以六月六日現漁陽之城秦以閭

左成凡編里十九

東北一百里曰懷柔縣山曰紅螺高二百餘仞山下之潭嘗有殷紅二螺日夕吐光黍谷之山鄒衍所吹律也凡編里十四

西南百四十里曰涿州春秋戰國皆燕之涿邑秦上谷郡漢涿郡曹魏范陽郡有督亢之亭樓桑之村南曰酈亭是後魏酈道元所居臺曰華陽燕太子丹與樊將軍置酒處也獨鹿山有鹿鳴澤漢武帝元封四年出蕭關歷鹿鳴澤者也凡編里四十六領縣一州西北四十里曰房山縣太房之山幽燕與室黃山

張良所隱也石經山山如天竺有石經洞隋大業間
法師靜琬鑿石爲板刻經一藏唐貞觀初成大涅槃
一部而師滅後僧徒相繼歷遼金始完貯于洞者七
穴者一洞扃以石門穴鎮以浮屠孔水洞在太房山
東北懸崖千尺下有石窟白龍時遊人見之則化爲
魚時時聞音樂聲有人篝火浮舟行五六日莫測其
源有齊孫臏唐賈島本朝姚廣孝之墓凡編里十六
南二百一十里曰霸州後周名秦上谷郡漢屬渤海
郡後漢屬廣陽郡當京邑之陽山原衍夷群水所赴
來自西北者九自西南者六

西北曰盧溝拒馬夾河
琉璃胡良桑乾烏流白

瀋西南曰黑羊一畝泉 方廩焉河沙河極河 凡編里三十領縣三

州南六十里曰文安縣漢舊縣凡編里三十四

州南百二十里曰大城縣五代周名漢名平舒屬渤海郡周禮曰其川虜池嘔夷鄭註嘔夷出平舒黃汝之河源出自交河凡編里二十三

州南十八里曰保定縣宋名河曰玉帶受宣府紫荆白溝之水達苑家口灌直沽入于海窪邑也桃花寨宋楊延朗築以禦契丹凡編里六

東二百曰薊州秦漢漁陽郡唐曰薊州北古薊門關名崆峒之山黃帝所問道也北平城李廣射虎飲羽

焉凡編里二十六領縣四

州東八十里曰玉田縣唐名漢陽雍伯至孝行善仙人遺之石子一升曰種之生玉雍伯求北平徐氏女爲妻曰必白璧一雙行視石得璧五雙縣以名玉田本春秋無終子國漢無終縣有無終之山燕昭王塚在焉徐無之山有不灰之木生火之石燕山自西山一帶迤邐而來延袤數百里如長蛇光沙之泉沙碎若飛雪以磨金玉之器能發光輝凡編里十八

州東南百九十里曰豐潤縣金名南關之城趙武靈王所築凡編里二十二

州東百二十里曰遵化縣唐名春秋無終漢屬右北平磨臺之山龜游池中其背負鏡口曰大喜峰凡編里二十

州西北八十里曰平谷縣漢舊縣魚子之山有軒轅之陵凡編里十三

保定府冀州之城分野尾箕兼昴畢戰國屬趙秦上谷鉅鹿二郡地漢涿郡及信都中山國地唐時其地屬莫定滿瀛等州宋保塞軍太平興國中爲保州政和爲清苑郡保塞軍節度皇朝爲府初屬北平布政司永樂中隸京師領州三縣十七

附郭曰清苑縣隋名以清苑之河本漢樊輿縣屬涿郡郎山之峰尖如削玉河曰清苑曰石橋曰梁高陽城云是顓頊所築廉頗之廟前臨雞水有石梁焉謂之廉梁凡編里十四

西北四十里曰滿城縣唐名東漢北平縣地後魏樂浪有漢王譚之城譚不從王莽與其五子避難於此光武封其五子爲侯人名之曰五公城有張蒼之墓河曰方順凡編里十

北六十里曰安肅縣本宋安肅軍凡編里十六北百二十里曰定興縣金名本隋范陽地河曰五里

凡編里二十二

東北百五十里曰新城縣漢名本督亢地河曰白溝
宋與遼界凡編里三十六

西一百十里曰唐縣漢名堯爲唐侯國于此春秋鮮
虞邑山曰堯山又山曰葛洪西南隅有老姑之峪宋
時有老姑謂人曰貧道住世二百年矣言已投崖不
墜而昇有王陵之城王陵援兵以楛白登灌城與王
陵城灌嬰所築也中山城在峭嶺之上是爲慕容垂
之都河曰唐河靈井一名趙母井醇酎千日此井所
釀凡編里二十二

南九十里曰博野縣後魏名漢蠡吾東漢博陵洪武
初屬祁州六年改屬河南二程先世居此縣凡編里
二十一

西南九十里曰慶都縣金名漢之望都縣南四十里
有堯廟慶都陵堯母葬焉堯山在唐縣北慶都山在
其南登堯山可見慶都山凡編里八

東北九十里曰容城縣漢舊縣凡編里六

西七十里曰完縣秦之曲逆漢書曰濡水於曲逆城
北曲而西流故曰曲逆漢封陳平焉章帝醜其名改
曰蒲陰縣西三十里曰伊祁山堯母所居祁水出焉

有孝烈將軍之廟木蘭女也唐封爲將軍凡編里十七

南九十里曰蠡縣漢之蠡吾漢桓帝父封蠡吾侯凡編里二十七

東北百二十里曰雄縣有小雄大雄二山河曰雄河凡編里十七

南百二十里曰祁州唐名本漢中山國安國縣地有沙滋二河凡編里十四領縣二

州南二十里曰深澤縣漢舊縣凡編里十一
州南百二十里曰束鹿縣唐名凡編里十七

東七十里曰安州金名洪武七年爲縣十四年爲州
易水在城北入于雄縣爲瓦濟河逕直沽入于海凡
編里二十二領縣三

州南四十里曰高陽縣漢舊縣凡編里十四

州東二十里曰新安縣元名曹徐二河出自安肅合
流于縣南曰溫義凡編里十一

西北百二十里曰易州隋名周禮曰其浸涑易易州
涑水縣是也秦上谷漢涿郡地易水發源故安縣分
南北二派北出于西山之寬中谷左與軍士川女思
谷之水合右則紫荆關之水注之其地名三會江濡

水出于窮獨之山亦曰聖女水有燕昭之廟郭隗樂毅劇辛鄒衍之祠樊於期將軍之廟荆軻城在州西七里高漸離故居在州南十六里州西南關曰紫荆關外通宣大二鎮各四百七十里爲扼塞之關凡編里三十領縣一

州東四十里曰涑水縣後周名水曰涑水是有水田凡編里二十五

河間府冀州域分野箕尾春秋晉東陽地戰國燕趙齊三國境秦鉅鹿上谷二郡地漢河間國唐曰瀛州亦河間宋曰河間洪武初屬北平布政司永樂中隸

京師領州二縣十六

附郭曰河間縣周爲唐叔封邑漢周卿侯國東漢武垣縣漢武帝巡狩至東武垣城望氣者言當得異女遂得鈎弋夫人漢博士毛萇宅壘俱存凡編里二十

五

南六十里曰獻縣以河間獻王名漢樂城東漢樂陵縣西北三十里曰中水城漢高封呂馬童爲中水侯以居高滄二水間故曰中水河曰滹沱凡編里二十四

西南百四十里曰阜城縣漢舊縣河曰胡盧華陽之

亭稽康學琴焉有簡子之城符融之壘凡編里二十

五

西五十里曰肅寧縣河曰中堡合于直沽凡編里十

三

北九十里曰任丘縣本漢鄭縣地平帝使中郎將任
丘城此因名衣冠之族比閭而是韓嬰是此縣人長
桑君是扁鵲所師有扁鵲之宅水曰濡曰滏左傳齊
侯伐燕盟于濡水凡編里三十二

南八十里曰交河縣以滹沱高河二水交流東北三
十里有顯頊城其產香梨凡編里十四

東百五十里曰青縣唐幽州盧臺軍地凡編里六
東百八十里曰興濟縣宋名孝宗張皇后是此縣人
獨流之河有蒲葦之利凡編里十

東百八十里曰靜海縣凡編里十五

東南二百九十里曰寧津縣金名凡編里二十二

南二百里曰景州唐名本漢景成侯國隋爲菑縣本
漢條縣隋改爲菑是爲董仲舒之鄉漢書董子廣川
人屬冀都郡今景州菑縣是也漢封周亞夫爲條侯
韓頽當爲弓高侯韓增爲龍頽侯此縣有亞夫廟弓
高城龍頽村漢表以亞夫爲菑侯菑卽條也河曰衛

河凡編里二十八領縣三

州東五十里曰吳橋縣金名有孫臏墓凡編里十一
州東北七十里曰東光縣後魏徙渤海郡治於此凡
編里七

州南九十里曰故城縣元名本隋清河郡歷亭縣地
縣西南四十里曰澹村是澹臺故居凡編里八

東百五十里曰滄州後魏名本漢渤海郡爾雅九河
一曰徒駭二曰太史三曰馬頰四曰覆隲五曰胡蘇
六曰簡潔七曰釣盤八曰鬲津其一則河之經流也
舊志徒駭河在滄州廢清池縣西北二十里太史河

在南皮縣治北馬頰河在東光縣界胡蘇河在慶雲縣西南簡潔河在南皮縣城外十餘步鈞盤河在獻縣東南二百八十里鬲津河在慶雲縣又在樂陵縣西三十里考書傳九河所在與此多不合又先儒程氏以爲其地已淪於海酈道元亦謂九河碣石淪於海此蓋後世新河而傳以舊名耳顧今亦湮沒矣有麻姑城漢武東巡祀麻姑於此有長蘆廢縣本漢參戶縣地今爲都轉運鹽使司治凡編里二十七領縣

三

州南七十里曰南皮縣漢舊縣因章武有北皮亭故

此曰南皮魏文帝與吳質書憶昔南皮之游浮甘瓜於清泉沉朱李於寒水今縣西有寒水井人曰尹吉甫雋不疑石苞凡編里九

州東九十里曰鹽山縣隋名鹽山之下是爲鹽場本春秋無棣邑漢置高城屬渤海有卅兮城秦始皇發童男女千人入海求蓬萊築此城僑居之亦曰千童城平津鄉漢屬高平縣以此封公孫弘者也凡編里二十三

州南百六十里曰慶雲縣漢曰陽信凡編里十一真定府冀州之城分野昴畢周并州地春秋鮮虞國

戰國屬趙秦爲鉅鹿郡漢置恒山縣後避諱改常山
武帝置真定國常山屬焉唐恒山郡宋真定府本朝
永樂隸京師領州五縣二十七

附郭曰真定縣本戰國趙之東垣邑滹沱河入于海
西韓河入于滹沱滋河入甸水城北牧莊三塚相去
百步云藺相如廉頗李牧墓也凡編里十三

西南百五十里曰井陘縣漢舊縣陘卽劔也燕趙之
閒謂山脊爲劔周穆王傳天子北徑乃絕漳水於劔
山之下癸未雨雪穆天子獵于劔山之西河甘陶河
入于滹沱綿蔓河合于甘陶關曰故關凡編里十三

西南五十里曰獲鹿縣唐名本戰國趙之石邑韓信伐趙下井陘軍中乏水於海螺山下獲二白鹿跑地出泉故名獲鹿抱犢山本名華山韓信伐趙持赤幟登山而望者也橫山有聖母祠舊石邑北三十里有趙陀先塚城東有戰國時趙王塚大者六小者二十三關曰土門是名井陘口凡編里十二

西南九十里曰元氏縣漢舊縣本趙公子元封邑故曰元氏山曰無極又山曰白石又山曰封龍凡編里十七

西北六十里曰靈壽縣漢舊縣有孟嘗君塚有趙武

靈王城樂羊伐中山魏文侯封之靈壽是此縣也樂
毅亦此縣人是魏將羊之後口曰白羊凡編里十三
東南六十里曰藁城縣漢舊縣西南爲古肥子國漢
立肥曩縣凡編里十四

南六十里曰欒城縣漢舊縣春秋晉欒武子封邑河
曰汶河凡編里十二

東八十里曰無極縣漢曰毋極唐武后改本元氏縣
之無極山名凡編里十三

西九十里曰平山縣本春秋晉之蒲邑漢蒲吾縣西
北六十里曰房山漢章帝幸趙祠焉河曰澹河凡編

里二十一

西北二百五十里曰阜平縣金名

一載華陽亭稽派
康夜學琴於此

河入于滹沱隰脂當城二河入于派凡綿里十一

東北百三十里曰定州後魏名春秋鮮虞晉中山漢

中山郡東北一十里有堯城東三十里有固城云是

禹築宋韓琦蘇軾嘗知是州琦有閱古堂繪前代良

守將之蹟軾有雪浪石置學舍治堂曰可以世廟自

安陸人卽位過是州守祝機供應得宜世宗書屏曰

可以機堂之清風店石亭禦虜處也黑水在州界深

而不流漢置盧奴縣俗謂黑水曰盧不流曰奴澆水

州馬有中山靖王塚凡編里三十四領縣三

州西南五十里曰新樂縣隋名東漢新市井縣沙河
合于滋有伏羲臺凡編里十一

州西六十里曰曲陽縣漢上曲陽縣以在太行之陽
轉曲之處山曰恒山北嶽也有太玄之泉神草十九
種服之成仙唐貞觀間有飛石西墜葆而祠之馬文
升言舜所封恒山在今渾源州宜移祀語在典禮記
凡編里二十五

州百九十里曰行唐縣秦爲南行唐縣後魏去其南
崑山崑虛佛所化身也倒馬關水北合于涿水告河

出焉人曰郤穀凡編里二十二

東南二百八十里曰冀州春秋晉東陽地秦鉅鹿郡漢信都縣白季薦郤缺于晉文公文公用爲下軍大夫與冀爲采邑因以爲氏缺是以名冀孔巢父州入漳水出焉有張耳之墓凡編里十七領縣四

州南六十里曰南宮縣漢舊縣凡編里二十

州西六十里曰新河縣元名漢之堂陽凡編里十二州東三十里曰棗強縣漢舊縣以多棗名索盧之水衛河之支也有棘津城故曰呂尚困於棘津左傳晉荀吳帥師涉白棘津凡編里十七

州東北九十里曰武邑縣漢舊縣觀津之城樂毅所封曰望諸君夾河出焉凡編里二十三

東九十里曰晉州元名本春秋鼓子國漢置下曲陽縣凡編里十七領縣三

州東北五十里曰安平縣凡編里十四

州東北百三十里曰饒陽縣漢舊縣以饒河名有光武城是光武征王郎時所築凡編里十七

州東百六十里曰武強縣晉名漢曰武隧有武強之山凡編里十四

南百一十里曰趙州北齊名春秋屬晉戰國屬趙秦

邯鄲鉅鹿郡漢趙國宋子城高漸離所匿作也凡編里十七領縣六

州南七十里曰柏鄉縣本春秋晉郭邑地漢爲鄆縣凡編里十

州東南一百里曰隆平縣宋名漢曰廣阿漢高帝時任敖爲御史大夫封廣阿侯隋名縣曰大陸隋圖經大陸縣有堯臺堯禪舜處也縣東北三十五里曰象城云舜弟象嘗居此凡編里十一

州西南五十里曰高邑縣本晉鄆邑漢曰鄆縣光武卽位於鄆南改曰高邑凡編里十一

州西南九十里曰臨城縣唐名戰國屬趙爲房子邑
漢置房子縣韓信與陳餘戰于釣盤之山餘問地曰
釣盤歎曰魚遇釣盤吾其亡矣凡編里十三

州西九十里曰贊皇縣隋名贊皇之山其高百丈壇
山在縣東有周穆王吉日癸巳四篆字李栖筠李吉
甫李德裕祖孫父子是此縣人故稱贊皇公水曰槐
水凡編里十二

州東四十里曰寧晉縣唐名春秋晉楊氏邑漢楊氏
縣河曰葫蘆凡編里十八

東二百五十里曰深州隋名漢曰下博凡編里十七

領縣三

州南五十里曰衡水縣隋名漢舊縣人曰孔穎達凡
編里七

順德府冀州之域分野昴殷祖乙所都周邢國後屬
晉戰國屬趙秦置信都縣屬鉅鹿郡漢鉅鹿常山二
郡及趙廣平二國晉爲石勒所據後魏爲襄國唐邢
州宋信德府元順德府國初屬北平布政司永樂中
直隸京師領縣九

附郭曰邢臺縣宋名縣西一百四十里曰夷儀城春
秋邢遷于夷儀有解玉之沙豫讓橋讓伏以刺趙襄

子者也仙翁山唐玄宗所封仙人張果所止息也鵲山之穴是生雲母水曰百泉爲澧河源石井岡一名龍岡石勒時天旱佛圖澄於此岡掘得死龍水而蘇之呪之上天雨卽大降凡編里二十八

南三十五里曰沙河縣隋名磬口山漢魏時舊鍊官也凡編里十九

東四十里曰南和縣漢舊縣其人宋璟墓在沙河縣西北顏真卿書碑河曰狼溝凡編里十三

東南一百里曰平鄉縣本漢瘦陶縣沙丘臺紂所築秦始皇崩地也南緣城春秋傳齊國夏伐晉取緣河

曰濁漳凡編里十三

東一百二十里曰廣宗縣唐名漢堂陽凡編里十二
東北一百二十里曰鉅鹿縣隋名漢南縉侯芭是此
縣人凡編里十三

東北九十里曰唐山縣本春秋時晉栢人邑漢高於
此心動是爲堯始封之地山曰堯山是生文石五色
錦章千言之山其在詩曰出宿于千飲餞于言泝水
出焉凡編里十四

北五十五里曰內丘縣隋名東漢常山郡之中丘縣
蓬鵲山扁鵲將號太子採藥焉雙山礪水所出也礪

水之水可礪刀劔洗腸源佛圖澄於此洗腸凡編里

十八

東北四十里曰任縣春秋時晉張縣地漢分置任縣
河曰澧河凡編里十三

廣平府冀州城分野昴春秋屬晉戰國屬趙秦邯鄲
郡地漢初置廣平國武帝改爲平千國宣帝復爲廣
平國東漢省入鉅鹿郡唐洺州國初隸北平布政司
永樂中直隸京師領縣九

附郭曰永年縣本春秋曲梁地漢曲梁縣河曰洺曰
沙水曰滏冉伯牛墓在縣西凡編里二十九

東北四十五里曰曲周縣漢舊縣凡編里二十八
南四十里曰肥鄉縣曹魏名本漢邯鄲蒲縣地有列
人之城列人之堤梁惠成王八年伐邯鄲凡列人河
口石字凡編里二十六

北七十里曰雞澤縣春秋盟于雞澤凡編里九

東南七十里曰廣平縣漢名河曰拳壯凡編里十七
西南五十里曰邯鄲縣山曰紫山一名馬服山有趙
奢之塚奢爲馬服君叢臺在縣北呂仙祠呂巖於此
發黃梁之夢是生玄精之石河曰西河凡編里二十

南六十里曰成安縣春秋晉乾侯地漢魏郡斥丘縣地陳餘事趙封成安君寇準嘗知此縣凡編里三十四

東北一百三十五里曰威縣東漢廣平國斥漳縣地凡編里八

東北二百里曰清河縣晉名本周甘泉市秦爲厝縣屬鉅鹿漢爲信成縣屬清河後漢改甘陵縣以安帝母甘陵氏葬縣東北因名有縣堤張巡嘗令此縣凡編里六

大名府宋名冀堯域分野室壁本商舊都周封武庚

於此春秋爲晉地戰國魏衛二國境秦屬東郡漢置魏郡治元城唐爲魏州爲魏郡國初屬北平布政司永樂中直隸京師領州一縣九

附郭曰元城縣漢舊縣春秋時沙麓地有沙麓山春秋沙麓崩亦名女姓丘漢書云王翁孺旣徙魏郡元城委粟里元城建公曰昔春秋沙麓崩晉史十之曰後六百四十五年當有聖母興其齊田氏平翁孺徙居正直其地日月當之後翁孺生禁禁生女政君漢元后也臨朝稱制矣五鹿之墟晉重耳所乞食也馬陵道孫臏於此殺龐涓河曰沙河入曰東哲凡編里

六

南十里曰大名縣五代漢名本漢元城縣貴鄉地山曰愜山漢成帝時河決王延世於此運土塞河殊愜人心河曰雕馬凡編里十

東南四十里曰南樂縣五代唐名本漢樂昌縣有昌意城黃帝子昌意所造有倉頡塚又河南開封亦有之水曰繁水凡編里二十

西南四十里曰魏縣漢舊縣周時地名洹水戰國時爲魏武侯別都河曰漳曰御凡編里二十六

東南九十里曰清豐縣古頓丘衛邑衛風云送子涉

淇至于頓丘唐曰清豐以孝子張清豐得名有干城
衛風云出宿于干泉源在頓丘古城東北衛風云泉
源在左又水曰澶水秋山在頓丘廢縣西北山海經
帝嚳葬此山之陰漢京房唐南霽雲是此州人凡編
里二十五

南百里曰內黃縣漢舊縣殷河亶甲居相春秋襄公
時會于柯皆此地西南十二里有牽城春秋公會齊
人衛人于牽水曰湯水水經湯水又東北至于內黃
有殷中宗陵纒邑是此縣人凡編里二十

西南二百里曰濟縣春秋衛邑漢黎陽縣大伾之山

是於禹貢紫金山在大伾山東善化山一名枉人相
傳紂殺比干於此是生紫班之石光賦類玉同山武
王伐紂諸侯之所會同也鹿臺鉅橋皆在是縣之西
朝歌城在縣西七十里紂糟丘酒池土人猶依約識
之黑山九州要記黑子昔居此山采茯苓服食壽五
百歲枋頭在縣西南曹操下大枋於淇水口堰之使
東以通漕運慕容垂拒破桓溫皆此地也河曰衛河
水曰淇水又曰黎水黎陽津一名白馬津酈食其說
沛公曰守白馬之津示諸侯形制之勢凡編里四十
南二百三十里曰滑縣本古豕韋氏國春秋衛地秦

漢東郡地晉濮陽國地唐曰滑州汲黯是此縣人凡編里六十七

南百六十里曰開州漢頓丘唐澶州鮒鱗山一名廣陽山山海經顓頊葬其陽九嬪葬其陰四蛇衛之鹹城在城東南春秋齊桓會諸侯于鹹澶淵在城南春秋會盟于澶淵戚城在城北七里春秋晉趙鞅納世子蒯賸于戚旄丘在州東北卽風旄丘之葛兮鐵丘在州北五里左傳鄭與衛戰蒯賸登鐵丘以望衛軍清丘在州東南七十里左傳盟于清丘延丘在州東南四十里延陵季子適衛之所憇也瑕丘在城東南

三十里禮記檀弓公叔文子升瑕丘蘧伯玉從黃河故道在州治南縣堤在州西十里復關隄在州城西南衛詩乘彼坵垣以望復關瓠子口在州西南二十里漢武沈璧馬從官負薪而築宣房之宮者也凡編里六十八領縣一

州南百五十里曰長垣縣漢名春秋蒲齊侯衛侯胥命于蒲家語子路爲蒲宰龍城在縣東南二十里關龍逢所居鶴城衛懿公養鶴之城也蘧伯玉墓在縣南十五里凡編里四十六

永平府冀州域分野尾黃帝逐葷粥始爲華有初虞

分冀東北爲營州北其地商封墨台氏爲孤竹國周幽州春秋肥子國秦遼西右北平二郡地漢末爲公孫度所據魏改盧龍郡北燕平州及樂浪郡唐平州國初屬北平布政司永樂中直隸京師領州一縣五附郭曰盧龍縣漢肥如縣其曰盧龍以鎮山如龍形山曰陽山有李廣射虎之石洞山產鐵雙子山有孤竹長君之墓園子山有孤竹次君之墓馬鞭山有孤竹少君之墓周王山在灤河中水夾其下其水則海其河肥如灤河自口北開平東南流逕遷安縣界至縣合漆河又南至樂亭縣入于海凡編里十五

西北四十里曰遷安縣漢今支寬河之川是生黃河曰青龍凡編里二十九

東八十里曰撫寧縣本漢驪城縣陽淦二河入于海關曰榆關又關曰山海凡編里十七

東南八十里曰昌黎縣本營州地碣石山在縣西北二十里禹貢碣石也韓愈之先是此縣人凡編里二十六

南四十里曰灤州契丹名本商孤竹地漢石城縣厥河沂卑耳之溪兪兒之神爲齊桓前導凡編里六十

七領縣二

名山藏

卷之二

輿地記
北京

音

州東九十里曰樂亭縣河曰定流又河曰清河凡編里二十七

隆慶州冀州地分野尾漢廣寧縣地屬上谷郡唐媯州元以仁宗生此爲龍慶州本朝初州郡俱廢永樂十一年復置州改曰隆慶直隸京師大翻山在州北二十五里上有王仲廟仲弱冠變倉頡舊文爲今隸書或傳秦始皇徵仲不至大怒詔檻車送之仲化爲大鳥飛去落二翻於此因以名山曰阪山軒轅與炎帝戰坂泉之野是此山也八達嶺在州南三十里居庸關外蚩尤城在州城西岔道在州城南二十里出

居庸關東西路繇是而分故以名岔凡編里十四領
縣一

州東三十里曰永寧縣本遼縉山縣地永樂十一年
置縣治團山下取其寧惟永之義凡編里五

保安州冀州之域或云軒轅都涿鹿是此州也虞爲
幽州北境分野尾春秋戰國上谷郡漢涿鹿唐團練
使總山後八軍元奉聖州至元初以地震改保安州
國初州縣俱廢永樂中置州隸京師涿鹿之山涿水
出焉黃帝於此破蚩尤凡編里七

親軍

金吾前衛

金吾後衛

羽林左衛

羽林右衛

府軍衛

府軍左衛

府軍右衛

府軍前衛

府軍後衛

虎賁左衛

錦衣衛

旗手衛

金吾左衛

金吾右衛

羽林前衛

上三衛舊爲北平護衛靖難後陞

燕山左衛

燕山右衛

燕山前衛

大興左衛

濟陽衛

濟州衛

通州衛

舊爲安吉衛以上七衛舊屬北平都司永樂三年設

騰驤左衛

騰驤右衛

舊爲神武前衛

武驤左衛

武驤右衛

以上四衛宣德八年以各衛養馬軍士及神武前衛官軍開設

武功中衛

洪武間設

武功左衛

宣德二年設

武功右衛

宣德六年設

永清左衛

永清右衛

彭城衛

上三衛舊屬北平都司後改常山三護衛宣德初復爲本衛又併河南三護衛多餘官軍

於彭城衛

長陵衛

舊爲南京羽林右衛永樂二十二年改

獻陵衛

舊爲武成左衛宣德元年改

景陵衛

舊爲武成右衛宣德十年改

裕陵衛

舊爲武成前衛天順八年改

茂陵衛

舊爲武成後衛成化二十三年改

泰陵衛

舊爲忠義左衛弘治十八年改

康陵衛

舊爲義勇中衛正德十六年改

永陵衛

舊爲義勇左衛嘉靖二十七年改

昭陵衛

舊爲神武後衛隆慶六年改

奠靖千戶所

嘉靖二十一年設

犧牲千戶所

屬太常寺

舊制止上十二衛後添設金吾左衛以下十衛俱稱親軍指揮使司又添騰驥等四衛亦係親軍并武功永清彭城及長陵等十五衛二所俱不屬五府

在京

留守左衛

鎮南衛

驍騎右衛

龍虎衛

瀋陽左衛

瀋陽右衛

留守右衛

虎賁右衛

武德衛

留守中衛

神策衛

名目表

卷之二

輿地記

三八

應天衛

和陽衛

龍驤衛

留守前衛

豹韜衛

留守後衛

鷹揚衛

興武衛

以上俱南京舊衛永樂十八年分調

大寧中衛

大寧前衛

九衛

以上俱北平行都司舊衛

富峪衛

此丁係添設并北平山西等衛改調

寬河衛

舊爲大寧後衛又爲管州中義衛

神武左衛

忠義右衛

忠義前衛

忠義後衛

義勇前衛

義勇後衛

義勇右衛

武成中衛

蔚州左衛

牧馬千戶所

南京舊所永樂二十二年分調

蕃牧千戶所

成化十三年添設

在外直隸

舊爲北平都司有北平三護衛後俱爲親軍其不係北平舊衛者俱永樂以後添設

薊州衛

遵化衛

上俱北平舊衛

密雲中衛

密雲後衛

鎮朔衛

東勝右衛

興州左屯衛

興州中屯衛

興州前屯衛

興州後屯衛

忠義中衛

通州左衛

通州右衛

神武中衛

定邊衛

武清衛

涿鹿衛

舊爲河南寧國衛

涿鹿左衛

涿鹿中衛

永平衛

北平舊衛

山海衛

北平舊衛

盧龍衛

開平中屯衛

興州右屯衛

東勝左衛

撫寧衛

延慶衛

舊爲北平都司居庸關千戶所後改隆慶衛後又改今名

河間衛

大同中屯衛

永樂初改調

瀋陽中屯衛

天津衛

天津左衛

天津右衛

舊青州左護衛

真定衛

北平舊衛

神武右衛

名山藏

卷之四

輿地記

五

定州衛

永樂初改調

潼關衛

舊屬河南都司

德州衛

德州左衛

梁城千戶所

潮河千戶所

白羊口千戶所

渤海千戶所

沁河千戶所

邊城千戶所

滄州千戶所

倒馬關千戶所

順德千戶所

舊爲樂安千戶所

武定千戶所

平定千戶所

蒲州千戶所

上二所舊屬山西都司

大寧都司

舊爲北平行都司永樂元年改設舊有大寧左右衛後改延慶左右衛舊有大寧中衛大寧前衛會州衛俱改調京衛大寧後衛後改寬河衛舊有興州中護衛革

保定左衛

保定右衛

名山藏

卷之四

輿地誌
北京

三三

保定中衛

保定前衛

保定後衛

上俱永樂元年設

營州左屯衛

營州右屯衛

營州中屯衛

營州前屯衛

營州後屯衛

上俱洪武舊衛永樂初分設

茂山衛

紫荆關千戶所

萬全都司

宣德五年分直隸及山西等處創所添

萬全左衛

萬全右衛

宣府前衛

宣府左衛

宣府右衛

懷安衛

開平衛

延慶左衛

舊爲大寧左衛又爲營州左護衛屬北平行都司

延慶右衛

舊爲大寧右衛又爲營州右護衛屬北平行都司

名山藏

卷之二

卷之二

卷之二

卷之二

龍門衛

保安衛

保安右衛

上二衛舊爲在京天象衛

蔚州衛

舊屬山西行都司

永寧衛

懷來衛

興和千戶所

美峪千戶所

四海冶千戶所

廣昌千戶所

舊屬山西都司後改

長安千戶所

雲川千戶所

龍門千戶所

書何先生刑法記後

記稱帝曰者六篇初爲大明令爲三詒次禮典後詒天下使遵律詒爲定中有稱若曰者竊取尚書王若曰之義也琰得受此篇三十年矣釋褐後先正以讀律勸又聞兩京在官胥史開律館講究意謂既遵成憲復多講習當無謬戾已庚之際持斧黔中目見轅門間有千百公行殺越事隨緝造謀以付臬司臬司董引軍人陳言律爲寬縱地嗚呼

聖祖制

刑雖首懲官墨至如鎮江男子棟茂實溧陽隸富江西民和卿等皆持官府短長通私鹽險膚代訟者也

又如膠州長子新安建昌之耆人皆同惡抵欺奏任者也或殺或梟毫不曲貸其非苛責紳弁而縱弛豺虎亦明矣至若錦衣緝訪之獄當先生西署時已憂其漸乃今數年來見其繁未見其省推求比附間得盡如律誥哉盡有爭心以徵於書猶云薄德今之致君堯舜者尚當深味律誥之指歸則斯篇何可旦夕離也後學蘇琰附記

名山藏卷之

晉江何喬遠 撰

刑法記

夏商周之盛其先皆已得民數世乃始踐天子之位
行禮樂之事民知先王之德之厚而無爭心治古之
人亦願愿朴侗易以任使故德教可以漸仁義可以
孚後世皆自草昧間與英雄角而勝之前世之穢濁
芬泯昧葬於耳目爭心未忘雖有上聖之德民尚疑
不信是以聰明神武之君寧使敬而不愛威而不德
夫輕颺涼颺易以中人弱流頽波易以溺人肥肉厚

酒易以死人故夫使之敬我威我者正所以愛彼德
彼嗚呼其亦三代之衰乎曰以掾吾世也元以北虜
謬居閏位墮先王之教擯中華之士正官長吏皆用
胡人戎翟之性冒沒貪僥兼以言語文字不晰不通
一切政事倚辦吏胥滋奸叢蠹貨賄公行腥羶穢著
貪墨之風不耻於大僚顯家而奸頑之民亦往往羯
犍龜綸閭巷間高皇帝本淮右布衣幼苦孤貧長遭
兵亂年二十四委身行伍者三年繼而收攬英俊並
驅羣雄勞心焦思慮防微近二十載用能剪除強敵
統一海宇所以人之情僞無不盡知自平武昌以來

卽與羣臣議定律令損益更改不計遍數卽位之初
首頒大明令一百四十五條於天下次爲直解使愚
民盡知蓋疎節闊目欲以簡以嚴與天下共期無刑
之化而物態多端律文不載比例繁多奸吏因得出
入乃命儒臣四人與刑部官日講唐律寫二十條取
進止至洪武六年命刑部尚書劉惟謙重定每成一
篇輒以奏聞帝揭西廡之壁而親裁之明年律成篇
首準於唐律條令六百有六可謂詳矣而貪墨之吏
奸頑之民尚未格心帝乃大召天下耆德高年之人
禮於有司使得執貪吏擒奸民面奏奏實者加非常

之誅於是挑筋剝指剔足斷手刑臏鉤腸去勢以止大憝府州衛所右廨左廟名曰皮場吏受賕至六十金者引入場中梟首剝皮更代之官設皮坐之造清淮樓令較尉下瞰城內有吹彈踴躍賭博亡作務者捕置樓中僅許水飲游手逋賦之僧欲地理軀以行鍤頭之會其他徙邊實都墾田築城自贖罪者不可勝計於是揭著文武臣民罪繇布於天下而大誥之篇出矣所以人心惴凜吏畏民馴其時徵辟之士有司督起如捕罪囚仕於朝者多詐死佯狂求解職事自非剛敏博達之士溫恭必畏之臣烏能勝其任

而遇合乎然原高帝之意皆以革元人姑息之政洗故俗汚染之非非爲訓於後王故其祖訓首章特戒守成之君黥刺腓剗閹割之刑未不可用臣下不匡者磔身誅其家誠恐嗣君宮生內長人情真僞善惡未必灼然亡疑一時不當誤傷良善也蓋其末年更定吏戶禮兵刑工分爲六類折十二篇爲二十九約六百六條爲四百六十異日權宜法外之刑蕩滌前除與天下更始矣是以高皇帝雖昭威顯辟誅殺大張而天命永眷人心不移延及建文餘教未衰二三頑士投火愈烈擠淵彌厲若自附於不貳有終之臣

天地神靈知高皇帝無淫威之意海內臣民諒其有德愛之實也列聖相承克遵成憲若成祖仁宣二宗命刑之意尤爲諄切至孝宗十三年世宗二十九年及三十四年重加修增合三百八十五條斟酌損益益已大備今皇帝復以萬曆十一年命刑部尚書潘季馴舒化先後參酌往時未盡可變通者二年成書奏御之日命纂入會典是又一朝之故不刑之實也今原高皇帝所以教民齊俗之心略舉其意次其先後亦使播伯夷之迪者有所考焉

維洪武元年皇帝頒大明令于天下曰朕惟律令帝

王治天下之法也令教于先律齊于後古者至簡後世漸以繁多甚有不能通其義是啓吏奸而陷民法朕甚閔之今所定律令芟繁就簡直言其事庶人易知而難犯書不云乎刑期無刑惟爾臣庶體予至意六年大明律成頒行天下維十八年十月朔皇帝大誥于文臣曰朕聞曩古君臣當天下大任閔生民塗炭立網陳紀昭示天下爲民造福同心同氣咸監后土皇天斯逝遐久育民功猶如見昔者元處華夏實非華夏之儀九十三年華風淪沒彝道傾頽學士專獵于經書持心操節不格於神人愆深曠海罪重

巍山當犯之期棄市之屍未移母有格于非心嗚呼
斯朕無良亦惟染于夷風朕今大誥天下諸司其有
墨于貨酷虐于朕民朕罪窮于原惟世世守行帝若
曰昔人臣得與君同遊者其竭忠成全其君飲食夢
寐未嘗忘其政惟務爲民造福拾君之失擲君之過
補君之缺顯祖宗於地丁歡父母於生前榮妻子於
當時身名流芳千萬載不磨粵若漢晉唐宋有賢人
臣修職惟躬不倚于吏亦惟食天之祿安如磐石元
主我中國風俗不同文墨不通諸務以吏爲原朕今
所任人往往襲前非政繇吏嗚呼昔我中國先生國

運雖去其教不迷天命有德惟因于舊人以治惟胡
風迷于九十三年朕心竭言勳弗化誨嗚呼艱哉帝
若曰或有忠臣在職數觀首領官吏有賢人用其賢
又薦諸社稷不蔽曰惟古聖臣常帝若曰朕命諸司
往于官朕諭及數勿陷于身家今天下有司酷害民
無端政繇吏爲吏變爲奸惟墨事覺身居于禁不能
挾其貨或有于他人貪墨如集潦守俸如汲井井不
滿不竭母若刑部尚書時增減情罪母若陝西官廉
良斂于民母若山西官賢宜貪無厭母若戶部侍郎
桓臣于賦母若御史敏怙于終是皆殺有司務在問

民疾苦撫安良善罪治奸頑開州判汝霖刻民抵賊
臬戶部侍郎恒匿于賦株連天下以數萬朕一麗于
法非朕不分于玉石惟繁貪六部墨必布政司賄則
拘布政司至詰斯賊必自府拘府至詰斯賊必自州
拘州至詰斯賊必自縣拘縣至詰斯賊必自民嗚呼
君子見而政尤勤小人見而非用省凡我民毋交于
官毋賤于私毋賄于免罪不賄免罪笞杖徒流罪賄
免罪坐死笞凡我民毋匿于賦毋賄于有司有代人
輸賦匿賦爲虛收重刑有以口舌說誘府州縣鬻獄
是致君子一時被其愚陷入于憲章重刑有有司之

吏用賄脫罪人重刑帝若曰朕命諸司往于官助朕
福朕民賢稱名不朽去後幾人如朕諭朕擒奸貪獲
無道置之刑或流竄或徒役笞杖死者且已生者飾
是非謾朋友誑鄉曲乃曰予無罪惟刑暴嗚呼惡人
犯罪善者過誤遭刑有畏傷肌膚者有畏死者賄于
官吏官吏乃不畏傷肌膚乃不畏死死且悔則終不
獲生嗚呼惟斯迷非民獻君子不得免嗚呼免斯滋
無難惟元季羣雄竝爭子女玉帛孰不先良騎美服
孰不上酣歌作樂孰不快生離人父母妻子孰不爲
朕何不能惟不敢軍中十有四年未嘗妄將一婦女

惟征武昌怒友諒妾其妾朕旋自疑不審色與豪智
人監朕過朕不敢亦惟監于敵人朝興暮敗終不同
其愚帝若曰布政司府州縣官吏若非朝廷號令巧
取財害民者境內耆宿老人奏有清廉直幹撫民得
遂生者境內耆宿老人奏有若廉能官吏被不才官
吏排陷不能明其公心境內耆宿老人奏嗚呼若欲
盡除民禍患無若耆宿年高有德人或百人或五六
千人或三五百人或千餘人歲終具境內官吏善惡
奏嗚呼耆民智人傲於朕言天下卽歲其平章朕一
時難知惟助朕維茲耆民人面奏于京者關母辟帝

若曰嗚呼府官州官縣官府吏州吏縣吏一切諸司
員人厥初實齊民未有不良人爲官爲吏乃爲不良
人乃至刑不治爾父母妻子曷不用大諫毋禍于而
家嗚呼風俗民未美未日月朕不責有司刑名失出
失入惟神智有短長朕不責有司賦不足惟民頑朕
不責有司朕責有司惟墨淪風惟賄不蔽罪惟盜虛
出賦嗚呼朕言過再惟監于皇天嗚呼朕出是誥已
戶戶有予誥若犯罪減一等無加一等維十九年三
月望日皇帝再誥于臣民曰上古好閒無功造福害
民者少蓋謂九州之田皆係於公法井以給民驗丁

以授田農無曠夫矣所以造食者多閒食者少井閭之間士農工技受田之日驗能准業各有成效士農工技知稼穡之艱難所以農盡力於畝畝士爲政以仁技藝專業無敢妄謬維時商出於農賈於農隙四業題名專務以三獨商不專易於農隙此先王之教精則野無曠夫矣朕不才不能申明我中國先王舊章愚夫愚婦效習夷風泯亂我彝倫攸叙是致壽非壽富非富康寧不自如好德鮮矣考終命寡聞本古五刑而不治雖出五刑以誅之亦何懼焉朕皇皇宵晝思治窮源無乃曠夫多刁詐廣致有五福不臻凶

災迭至殃吾民今朕復出是誥大播于寰中帝曰今再誥臣民之家父子有親君臣有義夫婦有別長幼有序朋友有信非朕言惟申明先王舊章吉哉不如朕言用集戒三而五至于七不悛高年英豪擒治于有司有司不受具在于律條帝若曰自造邦官墨不終于考亦惟更卒閒人不務生浸潤說誘求生於害民民怨動天朕聞不遑處復誥與民約不從五刑備坐於家身民互知丁互知務業某民丁幾受農幾受士幾受工幾受商幾已成士師未成士士非社學則縣學則州府學以知士丁朝暮作息不出里以知農

丁遠行符引目近則鄰里知其方巨歸遲微歸疾以
知工丁巨微重輕遠邇水陸明於引鄰里知所向以
知商丁朕茲願民壽若恣肆冗雜民不得其死乃不
壽惟朕罪誥出民驗丁市村舍客辨驗引目引目合
辨重輕巨微貴賤母有不倫託業以它爲無物驚引
目故者引目未故無物驚者坊廂村店捉治以遊食
重殺輕則黥以竄若不捉捉於他人主家鄰里坐茲
誥出速務生里鄰告其父母妻子不務生拘之有司
有司不受執之京母閒閒爲盜閒爲吏閒爲隸惟閒
害犯之日里鄰罪帝若曰惟古有司有大事非高年

耆宿不備請決于公惟其德行多于聞有慈心茲官
不明于知人吏貪耆宿皆先小人苟壽於高年黨吏
患民惟我有司崇向有德人維有德人速出贊襄朕
有司禮維吏卒勿用良家子亦勿用市井民是不知
艱難乃害民戒之哉毋爲民害良心發於父母嘉言
起於妻子善行詢於兄弟吏卒之家父母兄弟妻子
戒之哉帝若曰維茲吏隸持簿書有司榜告民民知
其名額毋使在閒人得假託害民凡呼我民遣牌毋
用隸三呼而不至乃用隸民至勿庸罪之姑庸詢之
恐民單夫隻妻爲生而遠出或近妨于急如是非民

罪若庸罪有司虐無赦有司官吏濫設的當人管幹
人幹辦人出入市村虎狼吾民的當人管幹人幹辦
人及有司官吏族有布政及府州縣官皂隸下鄉擾
民殺有倉庫闢垣諸司官擅離職事爲亂政殺有糧
長巧索諸納戶殺有逸教民爲佻家則惟不知丁殺
官用典吏囚人主文身不知其本末幽微殺帝若曰
曩古役于獄機秘而理焉闔獄情無露先王之治獄
也使幽其情內外憂之囚體深遠外而父母妻子不
得而易見也內而囚心懸望欲語父母妻子不可得
而易聞也嗚呼良哉頓民之頑心迫囚獲生歸妻子

諫父母兄長誠昔友勸皆訴獄之威發動其良心是
用囹圄空今茲典獄人迷于財獄情洩教囚對獄具
顛倒人囚鬻生離死乃不懼犯者用相繼朕茲再誥
主典人惟畏法茲獄嗚呼民獻君子保囚卽保身囚
無橫死身無禍殃善言妾之寒溫之暑涼之飲食節
之疾病醫之是謂機秘而理家其受身子其昌朕茲
重複誥民蒙于亂世多非罪死亦多有罪非法死嗚
呼父母妻子親戚朋友惟誠典獄人于朕言陰嚙博
被于獄囚帝若曰嗚呼朕馭宇內望一二歲與民曰
治民不愍于凶朕設父母妻子心憂茲奸頑臣民一

瞶失其身父母老無養妻弱子稚艱衣食歔歔感傷
于神人朕大刑于不念父母妻子人將儆心于念父
母妻子人乃朝殺暮犯朕觀刑尚懼乃未終半月犯
未終二十日犯則難教難禁朕心憂無已帝若曰嗚
呼惟好閒生事人假官府威虐吾在野民野民無知
將謂朕法苛孰知其假威行虐刑此之徒人以爲君
暴寬此之徒法壞而綱弛人以爲君昏惟君艱哉嗚
呼民非奸非頑非愚去古遠矣爲民之道迷繇相代
之帝敷教不精朕不能申古先哲王道所以多于刑
嗚呼人皆曰君養民朕觀于宮室服食器用皆民供

乃民養君申古先哲王舊章明五刑弼五教使民知
五常強不凌弱衆不暴寡守在四夷天下大安是惟
君養民維十九年十二月望皇帝三誥于臣民曰朕
爲臣民不善往往造罪淵深備施五刑非一年矣奸
頑未嘗肯格于前心害良民君子無閒歲朕才踈德
薄控馭之道竭矣矢誥于臣民良民君子欣然遵奉
惡人不黜于前非乃疾覺良民君子知前誥之精微
一心欽遵有所怙恃乃與奸惡辨一發而擒所以疾
也然無籍之徒瞽不畏死設心無知輕生易犯上累
朕刑下滅身家又非一二人朕慮不忍乃續誥良民

奉之如流巨惡之徒尚不然之中惡之徒欲悔不及
既已毒人盈于胸懷著于耳目矣終擒于善良朕觀
若是二誥良民君子坦然無憂伸於諸惡之上姦頑
屈於下則實有益民朕茲復誥三敢有犯者比誥治
之嗚呼良民君子心言不在多兇頑不格心言亦不
在多帝若曰朕夙夜思民不敢康求永其身命朕立
法政惟允不良臣民百壞法亂政亦百殺其身惟自
孽朕爲上司輕虐所屬有政但檄告建昌知縣頤等
因之倚朕命以稽朕爲官苦民禁有司人下鄉頑民
四等因之倚朕誥以拒是皆殺帝若曰嗚呼若父母

不勤夫婦喜免身得雄大喜雌亦喜子生百日見
或笑寐中喜過踢擦前劄時附物立喜冬防寒夏防
蟲不時防水火進士監生本道等三百六十四人不
推鞠養情顯揚豐奉厥父母數履于殺身朕朝夕訓
于朝申儆于外吏予言如水人心如石盡喪父母勞
嗚呼隱哉朕爲諸生多冲人學操政宥復宥今大復
不悛至三四朕不得不大誥天下汝則志學含聰明
蓋倣於前僚寧士若通政使蔡瑄左通政茹瑋戶部
侍郎楊靖工部侍郎秦逵恪職稱朕心予用使其家
不繇不役有司吏卒無登門祖父母伯叔父老涉田

園撫見孫居市者恣所以鄰里不相欺曷其不規摹
乃不從朕命三犯四犯而殺身者三人二犯而誹謗
殺身又三人姑戴罪職者三十人一犯戴罪者三百
二十八人嗚呼志人君子則將戒抑勸帝若曰常州
府同知復春自下鄉青州府知府希文征索臨朐三
縣物物不出縣官惟民財枷而遞有司歷諸九州用
傲于有位帝若曰鎮江男子棟等十八人謗言惑朕
歸持官府短長虐良民棟里甲不擒養惡殃一郡罰
輦石城城有費空其家有不能存有逃死嗚呼曷不
依誥擒惡受賞爲良民帝若曰鎮江民茂實飲宿胡

惟庸家領財中鹽捨朕生殺予奪主投奸臣誅及出
幼子前明州衛指揮賢私通惟庸劫倭船放居倭惟
庸私使男子旺借兵私歸賢賢將輔人亂不寧于黔
黎誅及出幼子貴溪縣儒士伯啓與其姪自斷巨指
異教非朕所化民梟蘇州人材叔閏人材謨舉儒不
赴官匿身爲主文居寰中不用于君外君教誅身沒
其家帝若曰守邊軍士有關土開疆功猶永戍于荒
今坐盜黥刺軍于荒乃道亡送軍人不畏受財解縱
亦不揣功幸于守邊軍士犯至二三殺乃已溧陽隸
富教知縣臯貪壞法自挾勢持權民魯上章朕遣人

按治境內民士魯等十三戶逃匿富持杖拒困追攝人是皆梟首沒家凡三百七戶嗚呼同惡不除身家其兩亡帝若曰朕稅民三十一游徼慶率子弟暴徵商私磔子弟梟上元知縣貞茂鑒于前誅傲丁民著業令不宜德于下殺帝若曰捨身偃兵息民開疆賞不過二十萬文上賞不過十襲綺而安慶業戶隆交通戶部侍郎易寢欺課鈔三萬九百九十四貫隆等盡治死上元江寧民二等一十四人暗出邊湖脅商爲強僧枷至死遷家于化外吏部郎中煥揭籍僉吏人故廣選丁力家五千餘先聲致民賂殺禮部郎中

○目人錫乾沒牲口官鈔員外郎巖時秉讀大誥錫
故匿其書使不知殺江西民和卿險膚代人訟泉松
陽民均育與民惟宗讐不自白告爲惟宗名告其兄
飲章嫁禍人磔帝若曰朕不知于有司使境內高年
有德耆民奏膠州官達可長子官才新安官玘建昌
官頤恣貪有好狀耆人同惡抵欺奏任爲賢人殺遷
家于化外樂安知縣行私賄于朋友計毒上變民添
用匿上變情磔卅名丞榮中應天府吏殺等六人受
均工人贓五百七十五貫解縱千二百六十五人勇
貪不畏死朕命斷指復事曰庶悔身尚及榮中復匿

先漏工名別勾役騷動數百家梟御史志仁御史士
良理于淮與衛官獵飲作色荒誣善擾民容畱里長
七等干請自富厚朕左右福買吉言磔御史哲御史
輝御史肅御史卓放紛于刑獄廷辱於都御史徽教
囚紹三告誣都御史徽受賂藥死證左人亡驗磔糧
長時傑等百六十人攬賦買虛叔朕命戶部清其原
時傑等見姦殺帝若曰茲前後三誥朕臣民家藏人
誦爲鑒戒不遵遷化外維二十年十二月皇帝大誥
于武臣曰維爾內外管軍官吏上壞朝廷法度下苦
小軍略不有哀念心厲虐不如其家畜如今軍官衣

食爵祿皆從軍身得茲小軍一似自爨金一似自倉粟一似自莊田茲軍官厲于小軍則非有人心亦不如禽獸心若比于草木亦不如草木知春秋茲總兵官守衛指揮千百戶鎮撫旗首厲于小軍則是自破釜自露積不困倉自田荒不治茲不有天災必有人禍茲災禍應則有遲有疾我日二朝勸語不知數若文若武少遜多逆及犯之日多怨于君父加誹謗用是大刑茲誹謗人亦有不誹謗甘受貶爲軍或二三年或五七年或十數年得名還無幾何時厲軍甚前日我邁于年我訓爾口乾氣不續尚不覺我訓茲備

載于書家與一我言甚易知爾父母則教誠爾有兄弟妻子輒生仁義心則將小軍所衣服所飲食所居卑湫室念于心設身自處于小軍備茲艱辛其庸能受若實不能受爾父母妻子兄弟其有不發仁慈心相教誠我邁于年多于閱歷備嘗我曾爲小軍備知于艱難茲比况費于言爾頑貪不畏死聽言若無言今難教難化矧其能善後今家見予誥父母妻子兄弟朋友曷不大勸誠發仁心亦有父母妻子兄弟無一發仁心僉害人我已殺我言甚易知徑質叙爾復厲小軍卽同十再犯難諉不見書不省于書言予與

爾造福除災爾則不聽不信幼子童孫不記于朕言
犯之日備詢幼子童孫于茲書不能舉其辭無長幼
罰維三十年五月皇帝又誥于天下曰朕有天下倣
古爲治明禮以導民定律以繩頑行之已久奈何犯
者相繼繇是出五刑酷法治之欲民畏不犯爰作大
誥示民使知趨避又有年矣然法在有司民不周聞
特勅六部都察院撮誥要略附載律中自茲以往但
依律誥二書議罪其他榜文禁例一切革去使中外
臣民有所遵守於是大誥與律兼行於天下云凡刑
五服以定之九族以齊之六親以別之五刑以用之

七具以差之十惡以誅之六賊以等之八議以貸之
五則以贖之斬衰三年齊衰三年杖期不杖期大功
小功總麻是謂五服自高祖至于玄孫上治旁治是
謂九族妻爲夫族服妾爲家長族服出嫁女爲本宗
服爲外親服爲妻親服爲三父八母服是謂六親笞
杖徒流死笞刑五一十至五十杖刑五六十至百徒
刑五一年至三年流刑三二千里至三千里死刑二
絞斬是謂五刑笞杖訊杖枷杻鐵索錄是謂七具謀
反謀大逆謀叛惡逆不道大不敬不孝不睦不義內
亂是謂十惡監守盜賊竊盜賊枉法賊不枉法賊坐

贓是謂六賊議親議故議功議賢議能議勤議貴議
賓是謂八議應工贖輸囚糧贖輸灰贖輸輓贖輸水
及炭贖是謂五則凡犯死罪非常赦所不原而祖父
母父母老無養者得奏聞取上裁犯徒流者得贖存
留養親教民孝也凡同居若大功以上及外祖父母
外孫妻之父母女婿若孫之婦夫之兄弟及兄弟妻
有罪得相爲容隱奴婢工人爲家長隱者皆勿論泄
其事致罪人匿者亦不坐教民睦也民七十以上十
五以下及廢疾犯流以下得贖八十以上十歲以下
及老疾犯殺人當死者奏聞取上裁盜及傷人者得

贖餘皆勿論九十以上七歲以下雖有死罪不刑教
民養老慈幼矜不成人也犯罪未發而自首者免其
罪輕罪發覺因首重罪者免其重罪與民悔也犯罪
時未老疾事發時老疾者以老疾論犯罪時幼小事
發時長大以幼小論從民可哀憐也二罪具發論其
重者若一罪已決餘罪後發者等勿論重者并計前
罪以充後數示民輕省也其本應罪重而犯時不知
者以輕論其本應輕者聽從本法憫民疑也罪得減
等二死三流同歸一減開民生也故夫刑也者教也
刑也者養也君子奉焉以比準繩是孔孟之訓而曾

史之行也小人畏焉以比水火是唐虞之風而成康之俗也君子以養德性小人以養肌膚小人以養其家身君子以養其國俗王者以養其天下故刑之制也仁之至義之盡也

郎曰臣嘗備員西曹知國家用刑之慎也凡獄司正聽之司寇又聽之以報廷尉廷尉聽之然後奏聞命繫之日與食歲與衣疾病與醫藥霜既降乃命列卿大會於朝參無卻者刑之殲厥尤辜歲五六月詔大司寇讞列矜疑二端出死適戍卒五歲又大讞出之適戍卒乃命曹郎分讞郡國亦出之適戍卒是以國

家歲斷死省于前代二百年間乳虎蒼鷹之吏不得
久於其官比者大司寇孫丕揚上言請陛下廣虞舜
病諸之意師武王不忘之心歲郡國獄都御史得與
御史參聽矜疑如京師故事天子可其奏於是郡國
之獄與畿輔等顧國初著今歲終課吏法律不通至
三適者左遷今郡國州縣之官皆新進甲科初離佔
俸鮮詳竹鼎之意而監司諸道多器人應對顏色間
折獄佞良少所覈戒囹圄多淹坐此弊也至於畿輔
亦略可言錦衣衛鎮撫司專主詰問奉旨對簿之人
兼得緝訪輦轂下姦私無佐訐者名曰天子詔獄歲

廢上功兵部捕獲多者爲右職至有起身小較超階
勳臣是以每每陰陽上意影響人罪以邀爵秩囚不
勝榜錄延喘甘承且訪捕所及家資若洗甚至弁其
同室之有席捲以去故京師被訪之家稱爲剗言若
剗刮無餘然者威挾於近貴也夫惟天子罷省斯獄
付三尺於賢司寇則幾焉

刑法記